

欽定盛京通志卷之二十二

星土

尾箕分野圖

躔次分野宿度長短

星宿宮位釋義

箕尾形數

分屋外占

欽定盛京通志

卷二十二


目錄

一

尾箕星分野圖

欽定盛京通志

卷二十二




天江

箕宿

糠



魚

傳說



神管

尾宿



杵



龜

欽定盛京通志

星土

臣等謹案分野之說自古有之推星定度經緯昭然至若五辰聚東井興漢氏之炎靈三星見攝提王軒轅之士德瑞符凝命於此徵焉我

國家受籙膺圖璣衡在握

天命既集象緯告祥箕尾之躔寅賓日出福德所鍾也

臣等謹詳稽疆域博採羣書凡夫躔次分野

欽定盛京通志

卷二十二

星土

星宿宮位以及箕尾形數分星考驗並錄於篇列爲星土第八

欽定盛京通志卷之二十二

星土

禮記月令孟冬之月日在尾註孟冬者日月會於析木之津而斗建亥之辰也。

周禮總義析木燕之分星幽州之星土也。

春秋元命苞箕星散爲幽州分爲燕國。

帝王世紀黃帝始推分星次以定律度自尾十度至斗七度百三十五分而終曰析木之次於辰在寅謂之攝提格于律爲應鐘斗建在亥今

欽定盛京通志

卷二十二

星

一

燕分野

漢書地理志燕地尾箕之分野也自危四度至斗六度謂之析木之次燕之分也。

漢書律歷志析木初尾十度立冬中箕七度小雪終於斗十一度。

晉書天文志班固取三統歷配十二野其言最詳自尾十度至南斗十一度爲析木於辰在寅燕之分野屬幽州又陳卓范蠡鬼谷先生張良諸葛亮譙周京房張衡並云尾箕燕幽州入箕

中十度。遼東西入尾十度。渤海入箕二度。樂浪入箕三度。元菟入箕六度。廣陽入箕九度。

唐書天文志尾九星十八度。舊去極一百二十度。一云一百四十一度。今一百二十四度。箕四星十一度。舊去極一百一十八度。今一百二十度。

又河北道古幽冀二州之域爲媿訾大梁析木津分。析木爲雲漢末派山河極焉。故其分野自北河窮北紀之曲。東北負海爲析木尾箕。析木

津也。初尾七度。中箕五度。終南斗八度。自渤海九河之北。得廣陽遼西東樂浪。元菟古北燕。孤竹。無終。九夷諸國。尾得雲漢之末流。龜魚麗焉。當九河之下流。濱于渤海。皆北紀之所窮也。箕與南斗相近。爲遼水之陽。盡朝鮮三韓之地。

五代史尾十八度。箕十一度。

宋史天文志東方尾宿九星。按漢永元銅儀尾宿十八度。唐開元游儀同。舊去極百二十度。一云百四十度。今百二十四度。景祐測驗亦十八

度。距西行。從西第二星去極百二十八度。在赤道外二十二度。乾象新書二十七度。箕宿四星。按漢永元銅儀。箕宿十度。唐開元游儀。十一度。舊去極百八十度。今百二十度。景祐測驗。箕四星十度。距西北第一星去極百二十三度。

宋史律歷志。赤道宿度。尾十八。箕十一。黃道宿度。尾十七。箕十。

元史歷志。赤道宿度。尾十九。少。箕十半。黃道宿度。尾十八。少。箕九半。

欽定盛京通志

卷二十二

星

三

又黃道十二次宿度。尾三度九十七分七十二秒。外入燕分。析木之次。辰在寅。

淮南子。星分度。尾十八。箕一十四分一。

玉海。陳卓謂尾箕燕幽也。自尾十至南斗十一。費直謂起尾九。蔡邕謂起尾四。

古今律歷考。尾。漢太初歷所測十八度。宋皇祐所測十九度。元授時歷所測十九度。箕。太初歷所測十一度。皇祐所測十度。元豐所測十一度。授時所測十度四十分。

厯象考成尾宿一。黃道經度十一宮一十度五十四分。黃道緯度南一十五度等四。箕宿一。黃道經度十一宮二十六度五十分。黃道緯度南六度五十六分等三。

又尾宿一。赤道經度十一宮六度四十二分。赤道緯度南三十六度五十七分。箕宿一。赤道經度十一宮二十六度二十一分。赤道緯度南三十度二十三分。

明清類天文分野書以斗牛爲星分之首次第

配之。尾三度。至斗二度。屬燕分。幽州北平府尾箕分。析木之次。涿通二州皆尾分。霸州尾箕分。薊州尾分。保定府尾箕分。易安二州皆尾分。河間府景州皆尾箕分。永平府尾分。灤州箕尾分。遼東都指揮司尾箕分。廣寧大寧尾分。興中尾分。建州義州錦州皆尾分。朝鮮箕分。陳藻樂軒集星度分野十二次。東西南北相反者四。疑似者七。所可據者。其維析木乎。其宿尾箕。亦良之維。燕可以言東北也。

以上紀躔次分野所屬及宿度短長

爾雅析木謂之津。箕斗之間漢津也。疏云。析木之津。箕斗之次名也。析別水木。以箕斗之間。是天漢之津也。天漢。卽天河也。天河在箕斗二星之間。箕在東方木位。斗在北方水位。分析水木。以箕星爲隔。隔河須津梁以渡。故謂此次爲析木之津也。不言析水而言析木者。此次自南而盡北。故依此次而名析木也。箕龍尾斗南斗。天漢之津梁。四方皆有七宿。各成一形。東南成龍形。西方成虎形。皆南首而北尾。南方成鳥形。北方成龜形。皆西首而東尾。箕在蒼龍之末。故云龍尾。斗至南方卽見。故云南斗。左傳昭八年。今在析木之津。國語曰。在析木之津。是也。

詩正義按二十八宿連四方爲名者。惟箕斗井壁四星而已。壁者室之外院。箕在南。則壁在室東。故稱東壁。鄭稱參傍有玉井。則井星在參東。故稱東井。推此。則箕斗並在南方之時。箕在南而斗在北。故云南箕北斗也。

史記天官書東宮尾爲九子箕爲敖客宋均曰子必九者取尾有九星也正義曰箕主八風索隱曰箕以播陽調弄爲象

遼史國語解野旅寅野謂星野旅謂躔次寅者辰舍東方之位燕分析津之所也

通志天漢歌天河亦一名天漢起自東方箕尾間註天漢起東方經箕尾之間謂之天河亦謂之漢津乃分爲二道其北經龜貫箕下

歷代地理指掌圖尾箕星曰析木宮曰人馬時

曰寅州曰幽

以上紀星宿宮位所在及釋名義

史記索隱宋均云尾屬後宮場故得兼子子必九者取尾有九星也元命苞云尾九星箕四星爲後宮之場也

星經蒼龍七宿有尾有箕氏胸房腹箕所糞也中西星經同異考西歌曰接心是尾九點曲卓如衣角飄風前箕星有四明相等大口如箕正向西

文殊所說善惡宿曜經第五尾四足箕四足斗一足。在寅歲星位焉。其神如弓。故曰人馬宮。

丹元子步天歌尾九星如鈎蒼龍尾。下頭五點號龜星。尾上天江四橫是。尾東一個名傳說。傳說東畔一魚子。尾西一室是神宮。所以列在后如中箕。四星形狀如簸箕。箕下三星名木杵。箕前一點是糠粃。注云。龜五星。在尾南。天江四星。在尾之北。傳說一星。在尾後江東。魚一星。在尾後江中。箕。一曰天雞。杵曰三星。在箕南。糠一星。

在箕口前杵曰西北。

法苑珠林尾七星。形如蝎尾。箕四星。形如牛角。

以上紀箕尾形數

周禮保章氏以星土辨九州之地。所封封域。皆有分星以觀妖祥。註云。析木。燕也。此分野之妖祥。主用客星。彗。字之氣爲象。疏引春秋緯文耀鉤云。太行以東。至碣石。王屋。砥柱。冀州。屬樞星。三河。雷澤。東至海岱。以北。兗州。青州。屬機星。九州屬北斗。星有七。州有九。兗。青。徐。揚。并屬二州。

故七星主九州也。周之九州差之義，亦可知矣。
史記天官書：天則有列宿，地則有州域，二十八
舍，主十二州。燕齊之疆，候在辰星，占於虛危。

又玉衡第八星，主幽州，常以五寅日候之。

晉書天文志：九州十二域，或係之北斗，或係之
二十八宿，或係之五星，析木燕，此係之二十八
宿者也。辰星主燕，趙代，此係之五星者也。

隋書天文志：二十八宿之外，凡齊楚晉燕趙列
國皆有星。燕冀一星在楚南，星有變，各以其國。

石氏星經：北斗七星，一主秦，二主楚，三主梁，四
主吳，五主燕，六主趙，七主齊。

劉熙釋名：古有營州，于天文屬營室，取其名也。
按凡言天者，其占必以所屬之分星為主。自春
秋以來，列史所記詳矣。遼與燕同分，必候尾箕
二宿。然觀司馬氏及甘石諸家所云，則又不獨
當占驗箕尾也。又考蔡邕月令章句：自尾四度
至斗六度，謂之析木之次，則并當占其南斗，或
曰遼。故堯時青州之域，故兼于虛危，存之以備

說云

以上推分星之外諸占

欽定盛京通志

卷二十二

星

九

欽定盛京通志卷之二十二